



Balor,.....

Es ku tin Spiritu Santu, por huzga **balor** di tur kos, ma niun hende no por huzga E!
(1 Korintionan 2:15)



.....pasobra entrenamentu fisiko tin poko **balor**, pero un bida dediká na Dios tin hopi **balor** den tur sentido. Di un forma di biba asina bo por spera benefisio tantu den e bida aki komo den esun benidero.
(1 Timoteo 4:8)



No ta asina ku ta den kandela sa tèst kalidat di oro, oro ku un dia ta kaba na nada? Meskos asina boso fe, ku tin muchu mas **balor** ku oro, ta pasa den prueba pa tèst su kalidat. Anto si boso fe pasa e prueba ku éksito, boso lo haña aprobashon, gloria i honor dia Hesu-Kristu bini. (1 Pedro 1:7)

Bo tin hooooopi BALOR



Di bèrdat mi ta un hende hopi spesial.
Mi ta gusta mi mes i mi ta kontentu ku mi mes.
Aunke semper bai lo mi sigui traha pa ta mihó, i tur dia lo mi ta mihó, mi ta gusta mi mes **manera mi ta awe**.

I mañan, ora di bèrdat mi ta mihó, lo mi gusta mi mes e ora ei tambe.

Ta bèrdat ku no tin **ningun hende** meskos ku mi rönt mundu. Nunka promé tabatin un **meskos ku mi** rönt mundu. Nunka promé tabatin unu meskos ku mi, i **hamas lo tin un otro ami** atrobe.



Mi ta úniko, for di pia te kabes. Den un forma o otro mi por ta parse i aktua manera un otro, pero **mi ta i ta keda mi** mes.
Mi ta preferá di ta mi mes riba kualke otro hende na mundu. Mi ta gusta mi manera di pensa i di hasi mi kosnan. Mi tin hopi kalidatnan bunita. Mi tin talento i abilidadnan. Asta mi tin talentonan ku mi mes no sabi di nan. Ainda i konstantemente mi ta deskubriendo talentonan nobo den mi mes.
Mi ta positivo i mi ta sigur di mi mes. Mi ta un refleho di kosnan bon i bunita. Mi ta yen di bida. Mi ta gusta bida i mi ta kontentu di ta na bida. Mi ta un persona hopi spesial, bibando den un tempu hopi spesial. Mi ta inteligente i mi mente ta traha rápido. Mi ta alerta, sabi i prèt. Mi pensamentu ta positivo i mi mente ta traha na mi fabor.



Mi tin hopi energia, entusiasmo i vitalidat. Di bèrdat mi ta gosa di ta mi mes. Mi ta gusta ta kaminda tin hende i otro hende gusta tambe pa ta kaminda mi ta. Hende gusta tende mi opinionnan. Mi ta hari hopi. Mi ta felis paden i pafó. Mi ta apresiá tur e bendishonnan risibí. Mi ta apresiá tur kos ku mi siña i lo mi siña awe, mañan i semper, te asina leu ku mi t'ei. Mi ta caloroso, sinsero, honesto i puru. Mi ta tur esakinan i mas. Mi ta gusta mi mes pa loke mi ta i mi ta kontentu di **ta mi mes!**